



জনসংযোগ কার্যালয় জাহাঙ্গীরনগর বিশ্ববিদ্যালয়

সাভার, ঢাকা, বাংলাদেশ
ফোন: ০২২২৪৪৯১০৪৫-৫১
ফ্যাক্স: ০২২২৪৪৯১০৫২
ওয়েবসাইট: www.juniv.edu

প্রেস বিজ্ঞপ্তি

বাঙালির আত্মা ও আশা-ভরসার প্রতীক শেখ হাসিনা মানুষের মণি কোঠায় ঠাঁই করে নিয়েছেন
-জাবি উপাচার্য অধ্যাপক ড. মো: নূরুল আলম

জাহাঙ্গীরনগর বিশ্ববিদ্যালয়, ২৮ সেপ্টেম্বর ২০২২।

জাহাঙ্গীরনগর বিশ্ববিদ্যালয়ের শেখ হাসিনা হল গণপ্রজাতন্ত্রী বাংলাদেশ সরকারের মাননীয় প্রধানমন্ত্রী শেখ হাসিনার ৭৬তম জন্মদিন পালন করেছে। এ উপলক্ষে বেলা বারটায় শেখ হাসিনা হলে ‘জননেত্রী শেখ হাসিনা: জীবন ও কর্ম’ শীর্ষক আলোচনা সভায় প্রধান অতিথির ভাষণে উপাচার্য অধ্যাপক ড. মো: নূরুল আলম প্রধানমন্ত্রীকে জন্মদিনের শুভেচ্ছা জানিয়ে বলেন, জাতির পিতা বঙ্গবন্ধু শেখ মুজিবুর রহমানের জ্যেষ্ঠ কন্যা মাননীয় প্রধানমন্ত্রী শেখ হাসিনা তাঁর পরিবার থেকে রাজনীতি শিখেছেন। পরিণত রাজনীতিবিদ শেখ হাসিনা তাঁর দূরদৃষ্টি নেতৃত্বের গুণে বাংলাদেশকে উন্নত ও সমৃদ্ধির পথে অগ্রসর করছেন। বিশ্বে এখন তিনি উন্নয়নের রোল মডেল হিসেবে বিবেচিত হচ্ছেন। পদ্মা সেতু, কর্ণফুলি ট্যানেল, উড়াল সড়ক ও মেট্রো রেল ব্যবস্থা গড়ে তোলে তিনি বাঙালির স্বপ্ন জয় করেছেন। বাঙালির আত্মা ও আশা-ভরসার প্রতীক হিসেবে তিনি মানুষের মণি কোঠায় ঠাঁই করে নিয়েছেন। উপাচার্য মাননীয় প্রধানমন্ত্রী শেখ হাসিনার সুস্থ ও দীর্ঘ কর্মজীবন কামনা করেন। অনুষ্ঠানে প্রধান বক্তার বক্তব্যে সরকার ও রাজনীতি বিভাগের অধ্যাপক বশির আহমেদ বলেন, মাননীয় প্রধানমন্ত্রী শেখ হাসিনা ছোটবেলা থেকেই রাজনীতি সচেতন ছিলেন। তাঁর সমাজ, সংস্কৃতি ও রাজনৈতিক চেতনার উন্মেষ পরিবার থেকেই ঘটেছিল। ছাত্র রাজনীতি থেকে শুরু করে বড় পরিসরের রাজনৈতিক অঙ্গনে তিনি সুদৃঢ় ও বলিষ্ঠ নেতৃত্বের স্বাক্ষর রেখেছেন। নিজেকে গড়ে তুলেছেন অভিজ্ঞ ও পরিণত রাজনীতিবিদ হিসেবে। শেখ হাসিনা আঞ্চলিক গণ্ডি অতিক্রম করে বিশ্বনেতা হিসেবে আবির্ভূত হয়েছেন। আন্তর্জাতিক পর্যায়ে বাংলাদেশের নাম এখন সম্মানের সঙ্গে উচ্চারিত হয়। এই সুনাম ও কৃতিত্ব শেখ হাসিনার মাধ্যমে অর্জিত হয়েছে। আমরা এ জন্য শেখ হাসিনার কাছে ঋণী। তিনি আমাদেরকে ধন্য করেছেন। অনুষ্ঠানে বিশেষ অতিথি হিসেবে বক্তব্য রাখেন উপ-উপাচার্য (প্রশাসন) অধ্যাপক শেখ মো: মনজুরুল হক, কোষাধ্যক্ষ অধ্যাপক ড. রাশেদা আখতার। হল প্রভোস্ট হোসনে আরার সভাপতিত্বে অনুষ্ঠানে আরও বক্তব্য রাখেন প্রভোস্ট কমিটির সভাপতি অধ্যাপক ড. আবদুল্লা হেল কাফী, ভারপ্রাপ্ত প্রক্টর আ.স. ম ফিরোজ-উল-হাসান, সহকারী প্রক্টর মাহমুদুর রহমান জনি, ছাত্রলীগ জাবি শাখার সভাপতি আকতারুজ্জামান সোহেল, সাধারণ সম্পাদক হাবিবুর রহমান লিটন প্রমুখ।

অনুষ্ঠানে বিভিন্ন অনুষ্ঠানের দিন, আবাসিক হলের প্রভোস্ট, শিক্ষক, শিক্ষার্থী এবং বিভিন্ন গণমাধ্যমের প্রতিনিধিরা উপস্থিত ছিলেন। আলোচনা শেষে মাননীয় প্রধানমন্ত্রীর জন্মদিন উপলক্ষে কেক কাটা হয়।

ড. মোহাম্মদ মহিউদ্দিন
পরিচালক (ভারপ্রাপ্ত)

